



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

§. 2. Ostenditur Prædeterminationem physicam non esse admittendam ad
causas sive necessarias, sive liberas.

urn:nbn:de:hbz:466:1-40853

§. 2.

Ostenditur Prædeterminationem Physicam non esse
admittandam ad causas sive necessarias,
sive liberas.

DIco primum, Ad actiones cause necessariae
superflua est omnis physica prædetermina-
tio.

Probatur. Ideo ab aliis requiritur illa præde-
terminatio, ut causa creata per illam determi-
netur ad agendum. Sed causa necessaria per na-
turam & entitatem suam est sufficienter deter-
minata ad agendum positis omnibus ad actionem
prærequisitis ex parte creaturæ, & decreto
præbendi concursum concomitantem ex parte
Dei, absque alio determinante, aut applicante.
Ergo illa prædeterminatio in causis necessariis
est omnino superflua.

Neque dicas, ad hoc requiri præmotionem
divinam ut potentia creata, per se incompleta
& insufficiens, à causa prima compleatur & ap-
plicetur ad agendum, sicut instrumenta debent
præmoveri & applicari à causa principali.

Nam contra, causa necessaria posita cum om-
nibus prærequisitis, & concursu Dei sibi oblato,
per seipsum ita est completa ad agendum, ut
nequeat actionem omittere; ideo enim causa
illa dicitur necessaria, quia ad unam est deter-
minata sine potentia ad oppositum: ergo illa sic
constituta non requirit aliunde ad agendum ap-
plicari. Neque verum est quod creaturæ se ha-
beant sicut instrumenta illa quibus nulla inest
virtus operandi, ideoque debent ab artifice præ-
moveri:

350 Pars 2. Cont. 2. An detur Prædeterm Phys.
noveri : habent enim causæ creatæ virtutem
intrinsecam à Deo sibi inditam respectu effec-
tum ad quos ex sua natura ordinantur ; non
enim admittent adversarij illas mcrè passivæ , &
mortuo modo ad agendum admoveari , sicut in
instrumentis propriè dictis fieri solet.

At, inquires, cum Philosopho 2. *Physic. textu*
33. Omne quod movetur ab alio movetur. Sed
non ab alio quam à Deo : ergo prærequisitur
præmotio divina ad omnem actionem creatu-
ræ.

Respondeo negando consequentiam. Non
enim dicit omne quod movetur ab alio præmo-
veri, sed simpliciter moveri. Sufficienter autem
quælibet causa movetur à Deo, Primò, per hoc
quod simul concurrat coefficiendo cum ea
quamlibet illius actionem , quam sine divino
concursu non posset sola exercere : Secundò,
præbendo creature præviam virtutem effecti-
va omnis operationis ac motionis , quâ ratione
omnis actio & motio creature, à Deo tanquam
prima illius causa procedit. Quo etiam sensu
alibi dicit Aristoteles , elementa moveri à ge-
nerante, ex eo tantum quod à causa quæ gene-
rat , sive inducit formam elementi , indita sit
elemento vis naturalis quâ per se sursum aut
deorsum moveatur , generante etiam absente ,
& nullum motum actu imprimente. Adde, non
paucos dictum Aristotelis sic legere ; Omne
quod movetur ab aliquo movetur ; nempe vel
ab alio, vel à seipso.

Dico secundò : In agentibus liberis prædeter-
minatio physica non videtur ullo modo posse
consistere cum libertate actus prædeterminati.

Probatur : Potentia libera est quæ positis om-
nibus ad agendum immediatè prærequisitis po-
test

test agere & non agere ; uti constat & lumine rationis, & consensu communi, etiam in Schola Doctoris Angelici. Atqui positâ p ædeterminatione voluntas non potest agere & non agere, sed debet infallibiliter id agere ad quod determinata est, sine potentia hic & nunc expedita ad oppositum. Ergo prædeterminatio physica non potest consistere cum libertate.

Minor probatur : Quia , omnis suppositio antecedens immediatè actum , independens à voluntate , & actum infallibiliter inferens , tollit potentiam liberam agendi & non agendi ; determinat enim præcisè ad actionem, sic ut stante illâ suppositione impossibile sit voluntati actum omittere. Ex hoc enim capite necessarius est amor beatificus, aut quicunque actus voluntatis qui ex necessitate elicitor. Atqui prædeterminatio physica est talis suppositio immediatè antecedens , & independens infallibiliter inferens actum voluntatis , in hoc enim plerumque Thomistæ conveniunt. Ergo positâ & stante prædeterminatione non manet voluntati potentia agendi & non agendi , adeoque necessariò præjudicat libertati actus prædeterminati.

Confirmatur nostra probatio : Gratia efficax non consistet cum libertate si ita per se determinaret voluntatem ad eliciendum actum bonum , ut positâ gratiâ impossible foret non sequi consensum voluntatis. Ergo neque prædeterminatio physica consistet cum libertate, cum positâ impossibile sit non sequi actum prædeterminatum. Antecedens patet ex Tridentino *sess. 6. can. 4.* afferente hominem posse diffire gratiæ si velit : item , hominem posse abire gratiam si velit : quia censebat aliæ efficaciam gratiæ non stare cum libertate.

Ref-

Respondent primò Thomistæ , ad minorem nostri argumenti cum distinctione , & dicunt, posita prædeterminatione voluntatem possit agere & non agere, in sensu diviso, id est considerando voluntatem per se, & ut est potentia divisa ab actuali prædeterminatione , et si nequeat non agere , in sensu composito , hoc est, componendo voluntatem cum actu prædeterminato, quem non potest non elicere ex hypothesi quod illum actu eliciat , quam dicunt esse necessitatem mere consequentem : atque ita aiunt intelligendam esse definitionem potentia liberæ, ut sufficiat posse agere vel non agere in sensu diviso : quo etiam modo aliqui conantur explicare sensum Tridentini. At contra : Non habet voluntas in casu potentiam non agendi in sensu diviso ; quia stante prædeterminatione non habet potentiam ponendi istum sensum, si-
ve carendi actuali exercitio actus prædeterminati, quod probo, non ponitur actu sensus divisus nisi ab eo qui potest auferre prædeterminationem, atqui in voluntatis potestate non est auferre aut executere prædeterminationem, que à Deo solo voluntati imprimitur : ergo non est in potestate voluntatis ponere sensum divisum: ergo nec in sensu diviso actu omittere.

Respondent secundò , Positâ prædeterminatione, cum potentia ad agendum remanet etiam potentia ad non agendum , quia saltem permanet ipsa voluntas per omnia naturæ suæ relictæ, que etiam est potentia ad non agendum.

Sed contra : Remanet quidem potentia ad non agendum remota, & per prædeterminationem impedita , concedo : remanet potentia proxima & expedita nego : voluntas enim prædeterminata ad agendum est tantum potentia remota

remota & impedita ad non agendum, non sufficit autem potentia remota & impedita, quia sic voluntas hic & nunc non habet in potestate sua actum & non actum.

Quinimò in eadem forma conficiam actum voluntatis quaeunque necessitate elicitum, semper remanere liberum, sic enim argumentor: Positâ per Deum quâcunque voluntatis necessitate, semper remanet voluntas in se & essentia-liter potentia libera, ergo positrâ quâcunque necessitate actus voluntatis erit liber. Consequens est apertè falsum, ergo & istud ex quo sequitur.

Respondent tertio, Ad libertatem non simpliciter requiri immediatam indifferentiam voluntatis, sed etiam indifferentiam judicij, sive cognitionem proponentem objectum sub aliqua ratione boni, & sub aliqua ratione mali, quam vocat Alvares indifferentiam objectivam, quâ stante aiunt impossibile esse necessitati voluntatem, & illius tantum defectu amorem beatificum esse necessarium.

At contra: Libertas in eo consistit, quod positis omnibus ad agendum prærequisitis possit voluntas agere & non agere: Atqui posito illo judicio indifferenti, & supposita prædeterminatione, non potest voluntas non agere; ergo ad libertatem non sufficit tale judicium: probatur consequantia: Non potest sufficere indifferentia judicij quando aliunde habetur causa necessitatis, qualis hic est vis ineluctabilis physicæ præderminationis: sic enim satis non foret, intellectui inesse judicium indifferentis, si illo stante Deus negaret voluntati concursum ad amorem objecti indifferenter cogniti, illo enim judicio non obstante omissio amoris esset abso-lutè

354 Pars 2. Cont 2. An detur Prædeterm Phys.
lute necessaria. Denique fatendum est gratiam
non adimere intellectui judicium indifferent; &
tamen si voluntas non possit reiucere gratiam,
eam necessitatetur ad consensum , ut definivit
Tridentinum contra Lutherum, qui docebat ex
necessitate voluntatem gratiæ obsecundare. Sed
neque Lutherus , neque Calvinus cognitionem
objecti indifferentem sustulerunt , & tamen
damnati sunt , eo quod docerent voluntatem
per gratiam necessitari.

Respondent quartò , maximè Recentiores.
Prædeterminationem non esse suppositionem
antecedentem, sed esse ipsam actionem creatu-
ræ, prout est simul à Deo, juxta tertiam exposi-
tionem supra in §. 1. sive esse applicationem
omnium prærequisitorum ad actionem creatu-
ræ. Ergo, inquit, prædeterminatio spectabit
ad actum secundum ; ergo creatura ex parte
actus primi erit potens agere & non agere.

Contra : illo etiam posito, determinatio ad il-
lam actionem orietur à solo Deo , ergo non
erit in potestate voluntatis creatæ illam non
ponere, cum penes illam non maneat determi-
natio ad agendum vel non agendum, ergo res-
pectu voluntatis creatæ actus secundus non erit
liber. Imo ex parte actus primi dabitur adhuc
aliquid quo posito necessariò ponitur actio ,
nempe prædefinitio , seu decretum efficax po-
nendi istam prædeterminationem, cum quo sta-
re nequit non actio , nam ad decretum neces-
sariò sequitur prædeterminatio, & ad præde-
terminationem actio. Denique sive statuas præde-
terminationem esse talem actionem creaturæ ,
sive talem applicationem, quæro, an illa sit cau-
sa cur agat creatura ? Id certè non negabis , nisi
à communi recedas : at causa tenet se ex parte
actus

actus primi : Ergo frustra ad causam secundam,
aut istam applicationem recurris.

Sed postremò dices : voluntas potest seipsum
determinare ad agendum salvâ libertate : ergo
similiter Deus poterit suâ præmotione illam de-
terminare illæsâ libertate, habet enim Deus om-
nem potestatem in voluntatem creatam , quæ
potest voluntati in seipsum competere. Idque
corroborant ex verbis S. Augustini de Corrept.
& grat. cap. 14. Deus magis habet in potestate
voluntates hominum, quam ipsi suas.

Respondeo neg. consequiam, quia deter-
minatio quæ oritur ab intrinseco sive ab ipsa
voluntate sita est in potestate arbitrij ; determina-
tio autem quæ oritur ab extrinseco non est
in ejus potestate, adeoque antecedenter necessi-
tat ; habet ergo Deus in voluntatem liberam ,
omnem potestatem possibilem, sed non impossi-
bilem, qualis esset , eam reddere liberam , & ta-
men ad unum determinatam.

Habet quoque voluntates liberas hominum
in sua potestate æque ac ipsi , hoc sensu , quod
Deo sint in promptu media indifferentia & in-
numera, per quæ, mediante scientiâ mediâ, pos-
set quemvis actum liberum à voluntate creatæ
impertrare. Et hæc optima est S. Augustini expli-
catio , quæ si tibi non sat arrideat, vide ne tuum
in te argumentum hoc modo retorqueam : Ha-
bet Deus omnem potestatem in voluntatem
creatam, quam habet ipsa : atqui voluntas crea-
ta potest determinare seipsum etiam ad formale
peccati : ergo & Deus. Hoc autem penitus ne-
gant etiam ipsi prædeterminationis physicæ de-
fensores. Nunc itaque ulterius.

Dico tertio , Data prædeterminatione physi-
ca ad actus peccaminosos , non appetet quo
modo

Probatur : Qui ponit prædeterminationem ad peccatum magis videtur esse auctor peccati, quam homo , aut dæmon suadens & instigans ad actum peccaminosum, instiganti enim potest voluntas resistere, prædeterminanti non potest: sed dæmon suadens & instigans ad actum peccaminosum hoc ipso est author peccati : ergo multò magis Deus , si prædeterminet ad actum peccaminosum, esset auctor peccati. Unde ulterius sequetur injustam fore pænam quam Deus peccantibus infligit.

Respondent. Deum non prædeterminare ad formale peccati seu ad malitiam , sed tantum ad materiale peccati, sive ad actus peccaminosi physicam entitatem, non ad illius moralem deordinationem.

Sed contra primò, sive formale peccati constat in positiva entitate actus, sive in aliquo negativo, utrumque est necessariò connexum cum actu intrinsecè peccaminoso v. g. in odio Dei : ergo non potest Deus prædeterminare ad materiale, quin etiam prædeterminet ad formale talis peccati.

Contra secundò , Suadens alteri odium Dei , aut mendacium non quā malum , sed quā utile, sic ut utilitatem tantum intendat , non malitiam, rectè adhuc censetur author istius odij, & mendacij ; ergo multò magis illius author erit prædeterminans ad materiale peccati , vi cuius debet sequi talis actus à quo malitia est inseparabilis.

Contra tertiod , Damnatur error Calvini in Trid. sess. 6. can. 10. quod doceret Deum impellere homines ad peccatum ; & tamen non contendebat ille Deum impellere ad formale peccati,

cati, sed potius ad materiale, ut ex illius affectis tradit Chamierus, hoc autem materiale peccati non minus infert prædeterminatio quam impulsus aut instigatio; ergo infert pariter formalem malitiam dum ea cum materiali peccato insolubili nexus sociatur.

Sed quæres, Quomodo etiam in nostra sententia non lædatur libertas, & Deus non sit author peccati, cum statuimus in Deo decretum concurrendi, imo & concursum Dei actualem ad omnem actum etiam peccaminosum?

Respondeo, In nostra sententia hæc omnia rectè salvari. Quia statuimus in Deo decretum concurrendi efficax quidem & absolutum, sed indeterminatum tam quoad exercitium, quam speciem actionis: sic ut vi illius decreti non potius velit Deus amorem quam non amorem, aut odium amori oppositum: ac si diceret, Volo omnipotentiam meam paratam assistere causis secundis, ut ab illis ad quamlibet actionem determinari possit. Concursus autem quo Deus in actu secundo agit cum creatura, non est prævius aut prædeterminans, sed tantum simultaneus, sic ut eadem actio procedat à creatura ut causâ determinante, & simul à Deo ut causâ determinata, sive permittente se à creatura determinari, & quasi trahi in consortium ejusdem actionis. Per hunc autem concurrendi modum satis patet neque lædi creaturæ libertatem, cum non aliunde, sed à seipsa ad agendum determinetur: neque Deum esse authorem peccati, cum creaturarum ad actum peccaminosum non determinet, sed tantum permittat se trahi ad cooperandum creaturæ juxta naturalem illius exigentiam.

Quæres secundò, Quo pacto discernatur sententia

358 *Pars 2. Cont 2. Ad detur Prædetermin Phys.*
tentia Prædeterminantium, à doctrina Jansenij
contraria libertati voluntatis creatæ?

Respondent facile Prædeterminantes, se ab
ea doctrina plurimum discrepare. Primò, Quia
damnata est illa doctrina Jansenij quæ tradit,
Interiori gratiæ in statu naturæ lapsæ non pos-
se resisti, & ad merendum & demerendum non
requiri libertatem à necessitate, sed tantum à
coactione; quam illi omnino abhorrent, &
meritò damnatam admittunt.

Secundò, Dogma Jansenij negat in statu na-
turæ lapsæ dari gratiam sufficientem; Defenso-
res vero prædeterminationis gratiam illam in
terminis defendunt, & admittunt eam suo effe-
ctu posse carere.

Tertiò, docent hi requiri prædeterminationem
physicam in omni statu naturæ, tam inte-
græ, quam lapsæ, eò quod ipsa conditio causæ
creatæ illam absolutè deposcat; non ex eo quod
amissa sit libertas indifferentiæ per peccatum
Adami, ut alij perperam volunt. Denique ab-
solutè negant voluntatem prædeterminatam
necessitati, sed potius Deum prædeterminare
convenienter ad naturam causæ liberæ. Quam-
vis autem alij Theologi contrarium opinentur,
doctrina, tamen prædeterminantium ab Eccle-
sia nullo modo interdictitur, aut ullâ censurâ
notatur, sed liberè in Scholis defenditur & dis-
putatur.

Quæres tertio. Quid de prædeterminatione
physica senserit Doctor Angelicus.

Contendunt operosè non pauci mentem D.
Thomæ, & plurium Thomistarum ab hac præ-
determinatione omnino alienam esse; & ex ea
Schola varios qui contra eam militant longo
agmine conscribunt. Id sedulò præstat Petrus à
S. Jo-

S. Josepho, Ruiz, Henao, de Cerf, Josephus de Vita, & postremo Borul, ac plures alij. Sed nobis hic consilium non est alias ex aliis quæstiones serere, sed potius rem ipsam paucis complecti, & eorum quibus scribimus captui accommodare.

CONTROVERSIA TERTIA

An Prædestinatio absoluta ad gloriam facta fuerit ante prævisa hominum merita, & Reprobatio ante prævisa demerita?

§. 1.

Exponitur status Controversie, & de ea varia Scholarum sententia.

Cæpit hæc Controversia primo omnium agitari circa annum Christi quadringentesimum, dum S. Augustinus ageret contra Pelagianos: nam à Patribus qui ante Pelagi tempora floruerunt nunquam ex professo, sed tantum ex incidenti, tactam fuisse, tradit ipse Augustinus lib, de dono persever. At demum circa annum Christi 1535. Joannes Calvinus, ejusque assec læ, de modo electionis ac reprobationis divinæ novos, gravissimosque errores invexerunt, de quibus supra in polemicis actum.

Inter Doctores Catholicos, de quæstione in titulo proposita, magna est etiam hoc tempore sententiarum discepantia. Prima est opinio Thomi-